

Sonerezh hag arzoù ar straed

Ur sevenadur liammet ouzh kêr eo ar sevenadur hip-hop. Awenet e vez an arzourien gant lec'hioù (ar straed) ha gant o stuz-bevañ, diaes-tre alies.

♫ STOMP : Out Loud (*Ar chafodaj, Ar barilhoù, Basketball*)

Ar sonerezh rap

♫ Bhale Bacce Crew, *Oh policier*

- . Testenn : engouestlet / nann engouestlet
- . Gant peseurt binviji e vez sonet diazez an dastalm ?
- . Tres ar pezh a glevez : mouezh / piano/ toumperezh. Ur sonerezh aes pe ziaes da sevel eo d'ho soñj ?
- . Da betra e servij an diazez-dastalm ? Da souten ar c'han, ar pozioù, a zo ar pep pennañ er sonerezh rap. Ur wezh staliet e reont evel un doalenn, ur foñs, a vez pozet pozioù ar ganaouenn warno.
- . Petra eo perzhioù pennañ doare-kanañ ar raperien ?

Kenganez – kan – dastalmet	Ar rap (a vez graet anezhañ ivez Mcing, emceeing) eo ur _____ frapadennet, _____ kalz, ennañ pozioù skeudennaouet kaer alies. Er pozioù-se e kaver kalz a _____ : bogalennoù o seniñ etrezo pe kensonennoù o seniñ etrezo, adlavaret meur a wezh en ur werzenn pe e ur frazenn.
----------------------------	---

Ar beat box

Ar beat box (pe human beat box) zo un teknik evit marmouziñ, gant ar vouezh nemetken, ur voest-dastalmoù ha binviji-sonerezh niverus.

♫ Tom Thump, *Brilliance*

Beat box : Boest-dastalm denel	Sonveskañ = <i>mixer</i>
Deejaying (pe Djing) : teknik lakaat pladennoù en ur sonveskañ anezho pe en ur zaskemmañ anezho.	frapadennet = <i>saccadé</i>
dastalm = <i>rythme</i>	Kenganez = <i>allitérations + assonances</i>

Ar sevenadur Hip-Hop

Un emsav sevenadurel hag arzel eo an hip-hop. Ganet eo er Bronks (karter paour eus New-York) er bloavezioù 70. Tachennoù lies zo ennañ : breakdance, deejaying, rap, graffiti, human beat box... Ar sonerezh hip-hop a zeu da heul ar sonerezhioù afro-amerikan (negro spiritual, work songs). Yaouankiz afro-amerikan ar c'hêrioù, paour hag hep binviji sonerezh, he deus doñvaet ar stil-mañ. Diskouez a ra an hip-hop bezañ un arz o skeudennaouiñ o stuzioù-bevañ. Kenstrolloù hip-hoperien en em stumm : « crews » a vez graet anezho. A-wezhioù ez eus kenoaz etre yaouankizoù karterioù all. Degouezhout a ra ar sevenadur hip-hop e Frañs e 1982, 10 vloaz goude m'eo ganet er Stadoù-Unanet eta.

An R'n'B

Ur seurt Rythm and blues eo. Ganet eo er bloavezhioù 1980, dindan levezonioù an hip-hop, ar sonerezh soul hag ar pop.